

西麓繼周集

宋蒲鄭澹室後人陳允平衡仲

瑞龍吟

長安路還是燕乳鶯嬌度廉遷樹層樓十二闌干繡簾
半捲相思處處漫凭竚因念綵雲初到瑣窗瓊戶梨花
猶怯春寒翠羞粉怨尊前解語空有章臺煙柳瘦纖仍
似宮腰飛舞憔悴暗覺文園雙鬢非故 閑拈斷葉重
託殷勤句頻回首河橋素約津亭歸步恨逐芳塵去眩
醉眼盡游絲亂緒腸結愁千縷淡院靜東風落紅如雨
畫屏夢繞一篝香絮

風流子

闌干休去倚長亭外煙草帶愁歸正曉陰簾幕綺羅清
潤西風環佩金玉參差淡院悄亂蟬思夏木雙燕別春
泥滿地殘花蝶圓涼夢半庭落葉蛩感秋悲 蘭屏餘
香在銷魂處憔悴瘦不勝衣誰念鳳樓當日星約雲期
悵倦理鸞箏朱弦空暗強臨鴛鏡錦帶閑垂別後兩峯
眉恨千里心知

又

殘夢繞林塘詩添瘦瘦不似東陽正流水蕩紅暗通幽
徑嫩篁翻翠斜映回塘對握寶箏低度曲銷蠟靚新簧

誦芬室校錄

鶯嬾晝長燕閑人倦乍親花簞慵引壺觴 簾蘂淡淡
地歌塵靜芳草自碧空廂十二畫橋一隄煙樹成行向
杜鵑聲裏綠楊庭院共尋紅豆同結丁香春已無多祇
愁風雨相妨

華胥引

涵空斜照掠水輕嵐滿天紅葉鴈泊平蕪鳧依亂荻聲
啞啞寂寞金井梧桐漸轉轆轤伊軋明月紗窗夜寒孤枕
應怯 吟老西風笑衰髯頓疏如鑷錦箋勤重頻剔蘭
鐙自閱多謝征衫初寄尚寶香薰篋愁憶家山夢魂飛
度千疊

意難忘

額粉宮黃襯桃花扇底歌送瑤觴裙拖金縷鈿衫唾碧
花香瓊佩冷玉肌涼羅韞步滄浪漫共伊心盟意約眼
覷眉相 連環未結雙雙似桃源誤入初嫁劉郎瓏璵
仙子髻綽約道家妝千種恨九回腸雲雨夢猶妨誤少
年紅銷翠減虛度風光

宴清都

聽徹南樓鼓寒宵迴玉壺冰漏遲度重溫錦幄低護青
氈曲通朱戶巡檐細嚼寒梅歎寂寞孤山伴侶更信有
鐵石心腸廣平幾度曾賦 寒淡試擁羊裘松醪自酌

蒲芬室校錄

誰伴吟苦摩挲醉眼闌干笑拍白鷗驚去梁園勝賞重
約漸玉樹瓊花處處怕柳條未覺春風青青在否

蘭陵王

古隄直隔水輕陰颺碧東風路還是舞煙眠露年年自
春色紅塵徧京國留滯高陽醉客斜陽外千縷翠條仿
彿流鶯度金尺 長亭半陳迹記曾繫征鞍頻護歌席
息息江上又寒食回首處應念舊曾攀折依然離恨徧
四驛倦游尚南北 惻惻怨懷積漸楚榭寒收隋苑春
寂眉顰不盡相思極想人在何處倚樓橫笛閑情似絮
更那聽夜雨滴

瑣窗寒

禁燭飛煙東風插柳萬家千戶梨花院落數點弄晴纖
雨傍鞦韆紅雲半溼畫簾燕子商春語歎十年南北西
湖倦客曲江行旅日暮花深處對修竹彈碁戲評格
五攜尊共約詩酒雲朋月侶念舊游九陌香塵倡條冶
葉還在否踏青歸醉宿蘭舟枕藉黃金俎

隔浦蓮近拍

鉛霜初褪鳳葆碧旆侵雲窈萬綠傷春遠林幽樂多禽
鳥斜陽隄畔草游魚鬧暗水流萍沼翠鈿小涼亭醉
倚接離巾任欹倒月明庭樹夜半鵲飛驚曉隔岸鶯鄉

誦芬室校錄

夢漸到吹覺一襟風露塵表

蘇幕遮

早梅花

柳初妍花漸好可恨行期到落梅香盡澹月朦朧影微
照風簾銀燭暗露幕金花小縱離歌緩唱殘角又霜曉
鎖窗前秦吉了促上長安道揚鞭西去幾點稀星尚

雲表去程疑是夢宿酒昏情抱鳳樓空瓊簫聲漸杳

又

鳳釵橫鸞帶繞獨步鴛鴦沼闌干斜倚自打精神對花
笑貼衣瓊佩冷襯鞞金蓮小捲香茵縹緲舞袖稱纖妙
夢初成歡未了明日青門道離雲別雨脈脈無情畫
堂曉柳邊驕馬去翠閣空凝眺漸春風綠愁江上草

四園竹

昏昏暝色亂葉擁雲扉渚蘭風潤庭桂露涼香動秋闌
獨向閑亭步月闌干瘦倚此情惟有天知 縱如其黃
花時節歸來因循已誤心期欲寫相思寄與愁拂鸞箋

誦芬室校錄

粉淚盈盈先滿紙正寂寞樓南雁過稀

驀山溪

側犯

晚涼倦浴素妝薄試鉛華靚凝定似一朵芙蓉汎清鏡
輕紈笑自撚撲蝶鴛鴦徑嬌嬾金鳳鞞斜欹翠蟬影
冰肌玉骨襯體紅綃瑩還暗省記青青雙鬢舊潘令夢

想鸞箏後堂淡靜何日西風碧梧金井

齊天樂

客愁都在斜陽外凭闌桂香吹晚亂葉蟬哀寒汀鷺泊
離緒並刀難剪牙屏半掩漸塵撲冰紉浪收雲簟露入
征衣滿襟秋思付詩卷 還思前度問酒鳳樓人共倚
歸興無限雁影亭皋蛩聲院落雙闕明河光轉田園夢
遠歎籬菊初黃澗蕁堪薦拄笏西風四山煙翠斂

荔枝香近

杜宇聲聲頻喚春漸去暗碧柳色依依湖上迷青霧殘
香淨洗紅蘭昨夜朱鉛雨金泥帳底雙虬自沈乳 天

誦芬室校錄

際漸迤邐片帆南浦一笑薔薇別後酒杯慵舉江上琵琶
莫遣東風誤鸚鵡淚擁通宵蠟炬

又

臉霞香銷粉薄淚偷泣靨靨金獸沈水微薰入簾綠樹
春陰糝徑紅英風捲芳草怨碧王孫漸遠 錦屏夢回
恍覺雲雨散玉瑟無心理嬾醉瓊花宴寶釵翠滑一縷
青絲為君剪別情誰更排遣

水龍吟

曉鶯啼醒春愁粉香獨步千紅地庭閑散縞林空剪雪
鷗鷺鶴避妬月魂淒行雲夢冷溫柔鄉閉漸黃昏院落

清明時候東風裏無情淚 織翠玲瓏葉底倚闌人玉
龍休吹殘妝未洗芳心微露昭陽睡起恨結連環舞停
雙佩水晶如意倩蜂媒聘取瓊花細與向尊前比

六醜

自清明過了漸柳底鶯梭慵擲萬紅御風飄飄如附翼
錦繡陳迹障地香塵暗亂蜂似雨漫冶游南國蘭襟縹
緲辭湘澤馬蹟郊原燕泥巷陌傷春為花淡惜歎芳菲
薄倖容易疏隔庭閑人寂 空餘芳草碧夢裏驚春去
如瞬息長安市上狂客為桃源解佩醉濃歡極無心整
霧襟煙幘驚回處斷雨殘雲倦倚畫闌干側相思恨暗
度流沙更杜鵑院落黃昏近誰禁受得

誦芬室校錄

塞垣春

草碧鋪橫野帶暝色歸鞍卸煙葭露葦滿汀鷗鷺人在
圖畫漸一聲雁過南樓也更細雨時飄灑念徽容都消
瘦漫將紉素描寫 臨鏡理殘妝依然是京兆柔雅落
葉感秋聲啼螿歎涼夜對黃花共說憔悴相思夢頓醒
西窗下兩腕玉挑脫素纖慳半把

掃花游

蕙風颺暖漸草色分吳柳陰迷楚寸心似縷看窺簾燕
妥妬花蝶舞剪剪愁紅萬點輕飄淚雨怕春去問杜宇

喚春歸去何處 後期重細許倩落絮飛煙障春歸路
長亭別俎對歌塵舞地暗傷靈素算得相思比著傷春
又苦正凭竚聽斜陽斷橋簫鼓

夜飛鵲

秋江際天濶風雨淒其雲陰未放晴暉歸鴉亂葉更蕭
索礎聲幾處寒衣沙頭酒初熟盡籬邊朱槿竹外青旗
潮期尚晚怕輕離故故遲遲 何似醉中先別容易為
分襟獨抱琴歸回首征帆縹緲津亭寂寞衰草煙迷虹
收霽色漸落霞孤鷺飛齊更何時重與論文渭北剪燭
窗西

滿庭芳

槐影連陰竹光搏露小荷新綠浮圓簟紋如浪綃帳碧
籠煙回合溪橋一曲初雨過流水濺濺闌干外沙鷗野
鳥飛過釣魚船 浮生同幻境眼空四海蹟寄三椽但
隨天休問我後誰前要識淵明琴趣真真意都在無弦
薰風裏綸巾羽扇一枕北窗眠

花犯

報南枝東風試暖蕭蕭甚情味亂瓊雕綴幻姑射精神
玉蘂佳麗壽陽宴罷妝臺倚眉顰羞鵲喜念誤卻何郎
歸去清香空翠被 溪松徑竹素知心青青歲寒友甘

同憔悴漸畫角嚴城上霜鴈驚墜煙江暮佩環未解愁
不到獨醒人夢裏但恨繞六橋明月孤山雲畔水

大酺

霧幕西山珠簾捲濃靄淒迷華屋蒲萄新綠漲正桃花
煙浪亂紅翻觸繡閣留寒羅衣怯潤慵理鳳樓絲竹東
風垂楊恨鎖朱門淡靜粉香初熟念緩酌鐙前醉吟孤
枕頓成清獨傷心春去速歎美景虛擲如飛轂漫辜
負鞦韆臺榭拾翠心期誤芳菲怨眉愁目冷透金篝濕
空展轉畫屏山曲夢不到華胥國閑倚雕檻試采青青
梅菽海棠尚堪對燭

霜葉飛

碧天如水新蟾挂修眉初畫雲表半江楓葉自黃昏淡
院磴聲悄漸涼蝶殘花夢曉西風籬落寒蟬小背畫闌
依依有數點流螢亂撲扇底微照凝望渺漠平蕪兼
葭煙遠過鴈還帶愁到拚教日日醉斜陽但素琴橫抱
記舊譜歸耕未了金徽誰度淒涼調算多少悲秋恨恨
比秋多比秋猶少

法曲獻仙音

油幕收塵素紈招月一枕蕢香微度枕玉牙牀浣冰金
斛薰風夜涼窗戶漸睡醒明河暗芭蕉幾聲雨對誰語

念徽容已成憔悴心期誤歸計欲成又阻寂寞燕樓
空想弓彎眉黛慵無淚墨愁箋縱回文難寫情慙便山
遙水邈幾度夢魂飛去

渡江雲

青青江上草片帆浪暖初泊渡頭沙翠筇便瘦倚問酒
垂楊影裏那人家東風未許漫媚嫵輕試鉛華飄佩環
玉波秋瑩雙鬢綠堆鴉空嗟赤闌橋畔暗約琴心傍
鞦韆影下夜漸分西窗愁對煙月籠紗離情暗逐春潮
去南浦恨風葦煙葭腸斷處門前一樹桃花

應天長

誦芬室校錄

流鶯喚夢芳草帶愁東風料峭寒色又見杏漿餈粥家
家禁煙食江湖幾年倦客慣識淒涼岑寂苦吟瘦蕭索
詩腸空愧郊籍春事正溪山柳霧花塵淡映翠羅壁
更謝多情雙燕歸來舊庭宅晴絲亂游巷陌悵容易萬
紅陳迹酒旗直綠水橋邊猶記曾識

玉樓春

東風躍馬長安道一樹櫻桃花謝了別來千里夢頻歸
醉裏五更愁不到江南兩岸無名草雨徧莓苔生嫩
葆玉樓人遠綠腰閑簾幕淡沈雙燕老

又

粉消香減紅蘭淚總是文君初別意春風織就悶情懷
夜月砌成愁况味迢迢歸夢頻東里堪恨洛陽花漸
已斜陽日日自相思三十六陂芳草地

又

萬花叢底曾擡目澹雅梳妝嬌意足夜來鸚鵡夢中人
春去琵琶江上曲雙鸞碧重釵頭玉裙曳湘羅浮淺
綠東風一醉買蛾眉為拚明珠三萬斛

又

西園鬪結鞦韆了日漾游絲煙外裊小橋楊柳色初濃
別院海棠花正好粉牆低度鶯聲巧薄薄輕衫宜短

帽便拚日日醉芳菲未必春風留玉貌

又

柳絲挽得秋光住腸斷驛亭離別處斜陽一片水邊樓
紅葉滿天江上路來鴻去鴈知何數欲問歸期朝復
暮晚風亭院倚闌干兩岸蘆花飛雪絮

傷情怨

南枝春意正小籬菊都荒了帳底孤燈夜來還獨照
沙洲煙翠紗渺謝塞鴻頻帶書到笑撚梅花今年開較
早

品令

玉壺塵靜蟾光透一簾疏影偏愛水月樓臺近畫闌獨
倚風度寒香陣猶記曲江煙水恨歎淒涼誰問夜深
沙觜霜痕印嚼花拚醉枝上春無盡

木蘭花

長江浩渺山明秀宛轉西風驚客袖相逢纔繫柳邊舟
相別又傾花下酒怪得新來詩骨瘦都在秋孃相識
後一天明月照相思蘆荻汀洲霜滿首

秋蕊香

晚酌宜城酒暖玉輦嫩紅潮面醉中窈窕度嬌眼不識
愁深恨淺繡窗一縷香絨線繫雙燕海棠滿地夕陽

誦芬室校錄

透明月笙歌別院

菩薩蠻

銀城遠枕清江曲汀洲老盡蒹葭綠君上木蘭舟妾愁
雙鳳樓角聲何處發月浸溪橋雪獨自倚闌看風飄
襟袖寒

玉團兒

醜奴兒

歲寒時節千林表獨耐風霜妬粉欺黃澹澹衣裳薄薄

妝 西湖十二闌干曲倚徧寒香白鷺橫塘一片孤山
幾夕陽

感皇恩

體態玉精神惺惚言語一點靈犀動人處繡香羅帕為
待別時親付要人長記得相思苦 綵鸞獨跨藍橋歸
路憔悴東風自蠻素桃葉楊花又向空江欲渡任洛陽
城裏春無數

宴桃源

閑倚瑣窗工繡春困兩眉頻皺獨自下香街攀折畫橋
煙柳晴晝晴晝偏稱玉樓歌酒

誦芬室校錄

又

何處春風歸路金屋空藏樊素零亂海棠花愁夢欲隨
春去情緒情緒粉濺兩行冰筋

月中行

鬢雲斜插映山紅春重澹香融自攜紈扇出簾籠意欲
撲飛蟲 薔薇架下偏宜酒纖纖手自引金鐘倦歌伴
醉倚東風愁在落花中

漁家傲

日轉花稍春已晝雙蛾曲理遙山秀百草偏輸羞不鬪
隨人後無情自折金絲柳 金水盈盈嬌欲溜六么倦

舞弓彎袖偷摘青梅推病酒徘徊久一雙燕子歸時候
又

自別春風情意惻秦箏不理香塵積去躍青驄游上國
得得得何如莫向尊前識 薄倖高陽花酒客迷雲戀
雨青樓側金屋空閑雙鳳席離懷適銀臺燭淚成行滴

定風波

慵拂妝臺嬾畫眉此情惟有落花知流水悠悠春脈脈
閑倚繡屏猶自立多時 有約莫教鶯解語多愁卻妬
燕子飛一笑薔薇辜舊約載酒尋歡因甚嬾支持

蝶

誦芬室校錄

謝了梨花寒食後剪剪輕寒曉色侵書牖寂寞幽齋惟
酌酒柔條恨結束風手 淺黛嬌黃春色透薄霧輕煙
遠映蘇隄秀目斷章臺愁舉首故人應似青青舊

又

牆外鞦韆花影後環獸金懸暗綠籠朱牖為怯輕寒猶
帶酒同心共結懷纖手 粉淚盈盈香淚透感損雙眉
嬾畫遙山秀柔弱風條低拂首渭城歌舞春如舊

又

寂寞長亭人別後一把垂絲亂拂閑軒牖三月春光濃
似酒傳杯莫放纖纖手 金縷依依紅日透舞徹東風

不減蠻腰秀撲鬢楊花如白首少年悵緒心如舊

又

落盡櫻桃春去後舞絮飛絲撲殺穿簾牖惜別情懷愁
對酒翠條折贈勞親手 繡幕深沈寒尚透雨雨晴晴
妝點西湖秀悵望章臺愁轉首畫闌十二東風舊

又

樓上鐘殘人漸定庭戶沈沈月落梧桐井悶倚瑣窗鏗
炯炯獸香閑伴銀屏冷 浙滙西風吹鴈影一曲胡笳
別後誰堪聽誓海盟山虛話柄憑書問著無言應

紅羅襖

詞芬室校錄

別來書漸少家遠夢徒歸念去燕來鴻愁隨秋到舊盟
新約心與天知 楚江上木落林稀西風尚隔心期水
濶草離離更皓月照影自傷悲

少年游

蘭屏香暖松醪味滑湖蟹薦香棖鴈宇秋高鳳臺人遠
明月自吹笙 輕寒剪剪生襟袖銀漏漸催更暗憶年
時桂風庭院笑竝玉肩行

又

斜陽冉冉水邊樓珠箔水晶鈎拍點紅牙簫吹紫玉低
按小梁州 雙鸞已誤青樓約誰伴月中游倦蝶殘花

寒蟬落葉長是替人愁

又

畫樓深映小屏山
簾幕護輕寒
比翼香囊合歡羅帕都
做薄情看
如今已誤梨花約
何處滯歸鞍
待約青鸞
綵雲同去飛夢到長安

又

翠羅裙解縷金絲
羅扇掩芳姿
柳色凝寒花情殢
雨生怕踏青遲
碧紗窗外鶯聲嫩
春在海棠枝
別後相思
許多憔悴惟有落紅知

還京樂

誦芬室校錄

絲鸞去適怨清和
錦瑟誰共理
柰春光漸老
萬金難買
榆錢空費
岸草煙無際
落花滿地
芳塵委
翠袖裏
紅粉
濺濺東風吹淚
任鴛幃底
寶香寒
金獸慵熏
繡被依
依離別意味
瓊釵暗畫
心期倩啼鴉
為催行李
黯銷魂
但夢逐巫山
情牽渭水
待得歸來
後
鐙前深訴
憔悴

解連環

寸心誰託望瀟湘
暮碧水遙雲邈
自繡帶同剪
合歡柰
鴛枕夢單
鳳幃寒薄
澹月梨花別後
伴情懷
蕭索念傷
春漸嬾病酒未忤
兩愁無藥
魂銷翠蘭
紫若任釵沈
鬢影香沁
眉角悵畫閣
塵滿妝臺
但玉佩依然
寶箏閑

卻舊約無憑誤共賞西園桃萼正天涯數聲杜宇斷腸
院落

綺寮怨

滿院荼蘼開盡杜鵑啼夢醒記曉月綠水橋邊東風又
折柳旗亭蒙茸輕煙草色疏簾淨亂織羅帶青對一尊
別酒初斟征衫上點滴香淚盈 幾度恨沈斷雲飛鸞
何處連環尚結雙瓊一曲琵琶湓江上慣曾聽依依翠
屏香冷聽夜雨動離情春深小樓無心對錦瑟空涕零

玲瓏四犯

金屋春深似灼灼娉娉真真嬌豔洗淨鉛華依舊曲眉

誦芬室校錄

豐臉猶記舞歇涼州漸縹緲碧雲繚亂自玉環寶鏡偷
換別後甚時重見 鸞幃鳳席鴛鴦薦但空餘蕙芳蘭
倩天涯柳色青青恨不入東風眼惆悵二十四橋任落
絮飛花亂點柰翠屏一枕雲雨夢誰驚散

丹鳳吟

暗柳煙深何處翡翠簾籠鴛鴦樓閣片泥融潤飛燕競
穿珠幕鞦韆倦倚還思年少鞦韆步塵輕衫裁羅薄陡頓
芳心暗老強理新妝離思都占眉角 過了幾番花信
曉來剗地寒意惡可教東風甚把天桃豔杏故故凌鑠
傷春憔悴淚蠹粉腮香落挑脫金寬雙玉腕怕人猜偷

握漸芳草恨畫闌休傍著

憶舊游

又眉峯碧聚記得郵亭人別中宵剪燭西窗下聽林梢
葉墮霧漠煙瀟綠鸞夢逐雲去環佩入扶搖但鏡裂鴛
奩釵分燕股粉膩香消迢迢舊游處向柳下維舟花
底揚鑣更憶西風裏采芙蓉江上雙漿頻招怨紅一葉
應到明月赤闌橋漸淚浥瓊腮胭脂淡薄羞嫩桃

拜星月慢

漏閣閑籤琴窗倦譜露溼宵螢欲暗鴈咽涼聲寂寥芙
蓉院畫檐外樹色驚霜漸改澹碧雲疏星爛舊約桐陰

誦芬室校錄

問何時重見倚銀屏更憶秋孃面想凌波共立河橋
畔重念酒污羅襦漸金篝香散剪孤鐙伴宿西風館黃
花夢對發淒涼歎但悵望一水家山被紅塵隔斷

倒犯

百尺鳳皇樓碧天暮雲初掃冰華散縞雙鸞駕鏡懸空
窈窕娑桂影香滿西風闌干悄漸玉魄金輝飛度千山
表餌玄霜醉瓊醪身在九霄獨步丹梯飄飄輕霧寫
縹緲廣寒殿覺塵世山河小愛十二瓊樓好算誰知消
息盈虛道任地久天長今古無私照但仙娥不老

解語花

西麓繼周集

黿峯溯碧貝闕緣雲桂魄寒光射鳳檐駕瓦星河際縹
緲繡簾高下笙簫奏雅愛雪柳蛾兒笑把瓊佩搖珠翠
盈盈迤邐飄蘭麝 陸地金蓮照夜富綺羅妝豔春態
容冶籠紗鞍帕香塵過禁陌寶車驕馬游人靜也東風
裏萬紅初謝沈醉歸殘角霜天漸落梅聲罷

過秦樓

捲聽蛩砧初拋紈扇隔浦亂鐘催晚湘蒲簟冷楚竹簾
稀窗下乍聞裁剪倦柳梳煙枯蓮蘸水芙蓉翠深紅淺
對半牀燈火虛堂淒寂近書思徧 夜漏永玉宇塵收
銀河光爛夢斷楚天空遠婆娑月樹縹緲仙香身在廣

誦芬室校錄

寒宮殿無柰離愁亂織藉酒消磨倩花排遣漸江空霜
曉黃蘆漠漠一聲來鴈

又

翠約着香綠搏槐陰隔水晚蟬聲斷壺冰避暖釧玉欵
涼倦暑嬾拈歌扇雲浪縹緲魚鱗新月開弦落星沈箭
恨經年間濶柔箋空寄夢隨天遠 憔悴損臂薄煙綃
腰寬霞縷錦瑟暗塵侵染韓香猶在秦鏡空圓薄倖舊
盟俱變虛蠹春華為誰容改芳徽魂飛嬌倩凭危樓望
斷江外青山亂點

解蹀躞

西麓繼周集

岸柳飄殘黃葉尚學纖腰舞謝他終日亭前伴羈旅無
柰歷歷寒蟬為誰喚老西風伴人吟苦 悶無緒記得
芙蓉江上蕭娘舊相遇想如今憔悴黃花慣風雨把酒
東望家山醉來一枕閑窗夢隨秋去

蕙蘭芳引

虹雨乍收楚天霽亂飛秋鶯漸草色衰殘牆外土花暗
綠故山鶴怨流水自菊籬茅屋日暮詩吟就澹墨閑題
脩竹 更憶飄蓬霜縹風萬幾度涼燠歎歸去來兮何
日甬東一曲黃蘆滿望白雲在目但月明長夜伴人清
獨

六么令

授衣時節猶未定寒燠長空雨收雲霽湛碧秋容沐還
是鱸肥蟹美橡栗邛邛熟不堪追逐龍山夢遠惆悵田
園自黃菊 醉中還念倦旅觸景傷心目羞破帽把茱
萸更憶尊前玉愁立梧桐影下月轉回廊曲歸期將卜
西風吹鴈嬾寄斜封但相矚

紅林擒近

飛絮迷芳意落梅消暗香皓鶴唳空碧白鷗避寒塘妨
它踏青鬪草便放曉日東窗先自嬾弄晨妝誰柰靚笙
簧 望帘尋酒市看釣認漁鄉控持紫燕片泥未上雕

梁想梁園謝館羣花較晚但陪玉樹頻舉觴

又

三萬六千頃玉壺天地寒庾嶺封的皜淇園折琅玕漠
漠梨花爛熳紛紛柳絮飛殘直疑潢潦驚翻斜風泝狂
瀾對此頻勝賞一醉飽清歡呼童剪韭和冰先薦春
杼怕東風吹散留尊待月倚闌莫惜今夜看

滿路花

離歌泣斷雲別舞愁飛雪鳳皇臺上望瓊簫絕釵分玉
燕寸寸回腸折碧空歸鴈濶猶有疏梅歲寒獨伴高節
鮫綃羅帕淚洒胭脂血悠悠江上水天連接朱樓徧

誦芬室校錄

倚萬里空情切此恨憑誰說天若有情料天須有區別

又

寒輕菊未殘春小梅初破獸鑪閑撥盡松明火青氎錦
幄四壁新妝裏重暖香篝繡被擁銀屏綵鸞空伴雲臥
相思何處夢入藍橋左歸期還細數愁眉鎖薄情孤
鴈不向樓西過故人應怪我怪我無書有書還倩誰呵

氏州第一

閑倚江樓涼生半臂天高過鴈來小紫茱波寒青蕪煙
澹南浦雲帆縹緲潮帶離愁去冉冉夕陽空照寂寞東
籬白衣人遠漸黃花老見說西湖鷗鷺少孤山路醉

魂飛繞荻解初肥，尊鱸更美盡酒懷。詩抱待南枝春信，
早巡檐對梅花索笑。月落烏啼，漸霜天鐘殘夢曉。

尉遲盃

長亭路望渭北，漠漠春天樹。殷勤別酒重斟，明日相思
何處。晴絲颺暖，芳草外斜陽自南浦。望孤帆影接天涯，
一江潮帶愁去。回首杜若汀洲，歎汎梗飄萍，乍散還
聚。滿徑殘紅，春歸後猶有楊花亂舞。恨金徽梁塵暗鎖，
算誰是知音，堪共語。盡天涯夢斷，東風絲雲鸞鳳無侶。

塞翁吟

睡起鸞釵，彈金約鬢，影隴腮。檐佩冷玉，丁東鏡裏對芙蓉。
秦箏倦理，梁塵暗，惆悵燕子樓空。山萬疊，水千重，一
葉漫題紅。 怱怱從別後，殘雲斷雨，餘香在鮫綃帳中。
更悞恨，鎊花無準，寫幽悵。錦織回文小字，斜封無人為
託。欲倩賓鴻，立盡西風。

繞佛閣

暮煙半斂，雲護澹月，斜照樓館。春夜偏短，一牀耿耿孤
鐙晃，幃幔玉壺漏滿。天外漸覺歸鴈聲遠，離思淒婉重。
懷執手，東風翠鬢，岸料想鳳樓人倦。繡回文，停綵線，
憔悴淚積香銷，嬌粉面。歎暗老年光隙駒流箭。夢中空
見，漫惹起相思，芳意迷亂。錦楠重向紗窗展。

慶春宮

孤鶩披霞歸鞍卸日晚香菊自寒城虛館鐙閣征衫塵
浣夜深何處砧聲亂蛩催怨月明裏依稀數星雲山迢
遞猶誤歸期方寸偏縈 秋風燕送鴻迎最憐隄柳白
露先零倦倚樓高恨隨天遠桂風和夢俱清故人千里
記剪燭西窗賦成相如憔悴宋玉淒涼酒恨花情

滿江紅

目斷江橫相思字難憑鴈足從別後倦歌慵繡悄無拘
束煙柳翠迷星眼恨露桃紅沁霞腮肉傍瑣窗終日對
文枰翻新局 頻暗把歸期卜芳草恨闌干曲謝多情

誦芬室校錄

海燕伴愁華屋明月自圓雙蝶夢綵雲空伴孤鸞宿任
畫簾不捲玉鉤閑楊花撲

丁香結

塵擁妝臺翠閑歌扇金井碧梧風隕聽豆蟲聲小伴寂
寞冷逼莓牆蒼潤料淒涼宋玉悲秋恨此際怎忍蓮塘
風霧漸入粉豔紅衣落盡 勾引記舞歇弓彎幾度柳
圍花陣酒薄愁濃霞腮淚漬月眉香暈空對秦鏡尚缺
暗結回腸寸念纖腰柔弱都為相如瘦損

三部樂

西湖

形勝地西陵往事重記溶溶王氣滿東南英雄閒起鳳
游何處古臺空長江縹緲無際石頭城上試倚吳襟
楚帶如繫烏衣巷陌幾斜陽燕閑舊壘後庭玉樹委歌
塵淒涼遺恨流水買花問酒錦繡市醉新亭芳草千
里夢醒覺非今世對三山半落青天數點白鷺飛來西

誦芬室校錄

風裏

一寸金

吾愛吾廬甬水東南半邨郭試倚樓極目千山拱翠舟
橫沙窗江迷城腳水滿簷風作闌干外夕陽半落荒煙
暝幾點昏鴉野色青蕪自空廓浩歎飄蓬春江幾度
依依柳邊泊念水行雲宿栖遲羈旅鷗盟鷺伴歸來重
約滿室凝塵澹無心處宦情最薄何時遂釣笠耕蓑靜
觀天地樂

瑞鶴仙

故廬元負郭愛樹色參差湖光渺漠樓危萬山落俯闌

千十二簾檐飛角花嬌柳弱映輕黃淺黛依約與沙鷗
共結新盟伴我醉眠醒酌 蕭散雲根石上淪茗松泉
注書芸閣鶯窺燕幕檐外竹園中藥念耕煙釣雪已成
活計一任風波自惡但無心萬事由天夢中更樂

浪淘沙慢

暮煙愁鴉歸古樹鴈過空堞南浦牙樯漸發陽關歌盡
半闕便恨入回腸千萬結長亭柳寸寸攀折望日下長
安近莫遣鱗鴻成間絕 淒切去帆浪遠江濶悵頓解
連環西窗下對燭頻哽咽歎百歲光陰幾度離別翠銷
粉竭信乍圓易散綠雲明月浙水吳山重重疊流蘇帳

誦芬室校錄

陽臺夢歇暗塵鎖孤鸞秦鏡缺羞人問怕說相思正滿
院楊花落盡東風雪

西平樂慢

汎梗飄萍入山登陸迢遞霧迴煙賒漠漠蒹葭依依楊
柳天涯總是愁遮歎寂寞塵埃滿眼夢逐孤雲縹緲春
潮帶雨鷗迎遠漱鴈別平沙寒食梨花素約腸斷處對
景暗傷嗟 晚鐘煙寺晨鷄月店征裾蕭疏破帽欹斜
憶幾度微吟馬上長嘯舟中慣踏新豐巷陌舊酒猶香
憔悴東風自歲華重憶少年櫻桃漸熟松粉初黃短楫
歡呼日日江南煙邨八九人家

玉燭新

南鄉子

歸鴈轉西樓，薄倖音書日日收。
舊恨卻憑紅葉去，颼颼春水多情，日夜流。
楊柳曲江頭，煙裏青青恨不休。
九

誦芬室校錄

十韶光風雨半回眸，一片花飛一片愁。

望江南

嬌滴滴聰雋，在秋波六幅香裙，
控細縠一鉤塵鞮，剪輕羅春意動人多。
臨寶鑑石黛拂脩蛾，燕子樓頭蝴蝶，
夢桃花扇底竹枝歌，楊柳月娉娑。

又

煙漠漠湖外綠楊隄，滿地落花春雨後，
一簾飛絮夕陽西，梁燕落香泥。
流水恨和淚入桃蹊，鸚鵡洲邊鸚鵡，
恨杜鵑枝上杜鵑啼，歸思越淒淒。

浣溪沙

自別蕭郎錦帳寒鳳樓日日望平安杏花枝上露繞乾
眉皺但嫌鈿翠墮臂銷惟覺釧金寬薄情楊柳殢征
鞍

又

一枕華胥夢不成碧簫香潤玉醪傾日長花影過池亭
雪藕臂寒鸚較怯采菱歌發鷺頻驚白蘋洲上雨初
晴

又

約臂金圓隱絳繒枕痕斜印曲花藤玉肌嬌軟瑩如冰
護日簾蘂迷曉夢舞風瓊佩弄秋聲倦妝鸞鑑不忤

誦芬室校錄

凭

又

寶鏡奩開素月空晚妝慵結繡芙蓉殢人嬌語更恹恹
倦浴金蓮輕襯步捧笙玉筍半當宵枕痕猶露一絲

紅

又

雙樓髻垂佩環依約下瑤池鬢邊斜插碧蟬兒
不嫁東風蘇小恨未圓明月柳孌悲舞休愁疊縷金

衣

又

鬪鴨闌干燕子飛一隄春水漾晴暉女郎何處踏青歸
時 生色鞦韆兒銷鳳穩碧羅衫子唾花微後期應待牡丹

又

六幅蒲帆曉渡平一江星斗漸西傾離家纔是兩三程
城 浦外野花如喚客樹頭春鳥自呼名五雲深處錦官

又

柳底征鞍花底車兩行香淚溼紅襦別來鶯燕已春餘
梳洗樓臺愁獨倚笙歌庭院醉誰扶捲簾閑看玉儲

誦芬室校錄

胥

又

十二珠簾繡帶垂柳煙迷暗楚江涯自攜玉笛凭丹梯
啼 寫恨鸞箋疑粉淚踏青鴛鴦金泥落紅深處亂鶯

又

量 朦騰小篆香素紉輕度玉肌涼竹深荷淨少炎光
雨過亂蟬嘶古柳日斜雙鷺立閑塘更將心事自商

點絳脣

眉葉顰愁淚痕紅透蘭襟潤鴈聲將近須帶平安信
獨倚江樓落葉風成陣情懷悶蝶隨蜂趁滿地黃花恨
又

別後長亭翠蕪寂寞分襟地鴈書空寄歸夢頻東里

一曲秋風寫盡淵明意凝情際雨襟煙袂都是黃花淚

又

分袂情懷快風一箭輕帆舉暮煙雲浦芳草斜陽路

輸與閑鷗朝暮潮來去空凝竚小橋樊素金屋春深處

又

鶯語愁春海棠風裏胭脂雨酒杯慵舉閑撲亭前絮

誦芬室校錄

漠漠斜陽截斷愁來路凭闌竚滿懷離苦分付樓南鼓

夜游宮

愁壓眉峯成斂幾回皺落花鈿點鏡裏芳容自羞見又

黃昏聽南樓度更箭月引桐陰轉珠簾動影搖花亂

鴈過西風楚天遠待歸來把愁眉印郎面

又

窄索樓兒傍水新秋到漁邨橘里薄倖江南倦游子恣

輕狂戀高陽歌酒市獨自簾兒底香羅帶翠閑金墜

為惱情懷怕拈起對西風搵啼紅印窗紙

訴衷情

綠雲鳳髻不忺盤情味勝思酸曉色露桃煙杏空照臉
霞丹 花漸老徑苔閑錦闌班怨紅一葉流水東風好
去人間

又

嫩寒侵帳弄微霜客淚不成行料得黃花憔悴何日賦
歸裝 樓獨倚漏聲長暗情傷淒涼况味一半悲秋一
半思鄉

一落索

澹澹雙蛾疏秀為誰頻皺落花何處不春愁料不是因
花瘦 錦字香箋封久鱗鴻稀有舞腰銷減不禁愁怕

誦芬室校錄

一似章臺柳

又

欲寄相思情苦倩流紅去滿懷寫不盡離愁都化作無
情雨 渺渺暮雲春樹澹煙橫素夕陽西下杜鵑啼怨
截斷春歸處

迎春樂

垂楊影下黃金屋東風漸粉香熟恨當年有約驂鸞速
誤一枕紅雲宿 帶眼寬移腰似束怪何事褪紅銷綠
背面立鞦韆羞人問連環玉

又

江湖十載疏狂迹紅塵裏倦游客駐雕鞍問柳東風陌
花底帽任欹側斗酒百篇呼太白傲人世醉中一息
何日賦歸來水之南雲之北

又

依依一樹多情柳都未識行人手對青青共結同心就
更共飲旗亭酒禱上芙蓉鋪軟繡香不散綵雲春透
今歲又相逢是燕子歸來後

虞美人

春衫薄薄寒猶戀芳草連天遠嫩紅和露入桃腮柳外
東邊樓閣燕飛來霓裳一曲憑誰按錯重看金

誦芬室校錄

虬閣暖麝檀煤銀燭替人垂淚共心灰

又

夕陽樓上都凭徧柳下風吹面強牽羅袖倚重門嬾傍
玉臺鸞鏡暗塵昏離情脈脈如飛絮此恨憑誰語一
天明月一江雲雲外月明應照鳳樓人

又

疏林遠帶寒山小月落霜天曉櫂歌初發浦煙中自歎
疏狂蹤迹似萍蓬江邊衰柳迷津埃歸興濃於酒斷
煙流水自寒塘十里蒹葭鷗鷺兩三雙

又

綵雲別後房龍悄愁立西風曉倚闌無語對黃花惆悵
玉郎應在楚江涯 鈿箏空貯芳塵滿寂寞朱弦斷夜
來一點帳前燈頻吐銀花雙燼照羅屏

又

玉奩香細流蘇暖寒日花梢短翠羅塵暗縷金消
東 華屋自藏嬌 當時攜手鴛鴦徑一笑薔薇影如
今眉黛鎮愁封欲問歸期消息望賓鴻

醉桃源

金閨平帖被青青寶街球路綾曉風吹枕淚成冰梅梢
霜露零 金鴨暖寶熏騰晴窗粘凍蠅夢魂空趁斷雲

誦芬室校錄

行江山千里程

又

青青楊柳拂隄沙溪頭沽酒家吟成醉筆走龍蛇春風
雙鬢華 歌楚女舞吳娃輕煙籠翠霞倦春嬌困寶釵
斜綠垂雲髻鴉

鳳來朝

百媚春風面鳳簫催綠幺舞徧玉鸞釵半溜烏雲亂悄
疑是夢中見 曲歇弓彎袖斂繡芙蓉香塵未斷買一
笑千金拚共醉倚畫屏暖

垂絲釣

鬢蟬似羽輕紈低映嬌無凭闌看花仰蜂粘絮春未許
寶箏閑玉柱東風暮 武陵溪上路娉婷婀娜劉郎依
約曾遇鴛鴦儔鳳侶重記相逢處雲隔陽臺雨花解語舊
夢還記否

芳草渡

芳草渡漸迤邐分飛鴛鴦儔鳳侶洒一枝香淚梨花寂寞
春雨惜別情思苦怱怱深盟訴翠浪遠六幅蒲帆縹緲
東去 還顧夕陽冉冉恨逐潮回南浦路漫空念歸來
燕子雙棲舊庭戶市橋細柳尚不減少年張緒漸瘦損
嬾照秦鸞對舞

誦芬室校錄

相思琴調引

金谷園林錦繡香踏青挑菜又相將鳳臺人遠離思入
三湘 花著雨添紅粉重柳隨風曳碧絲長薄情鶯燕
春去怎商量

咸豐丁巳二月十六日聖傳新城羅氏寫本二十
五日春分社前一日雙聲閣錄畢記

西麓繼周集

西麓繼周集

另凌彛有傳鈔何氏夢華館本日湖漁唱及此
集惜多訛致字歲以傳潤沅提學段以勞賢
卿手鈔本絕精典

按經凡多錄一冊互校以存兩本同出原間有
勞鈔潤字按何本補之亦政究好可誦至其音
律之異在西麓書日涉業自誤無誤後人
置論多宜統康成三月另續記

王吉甫以活字印清芳倡和集八卷西麓初字每出此補與秦
刻日湖漁唱補遺均不足按此本空潤猶依舊式是以不貴又記

誦芬室校錄